

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第七一冊

地方志人物傳記資料叢刊

國

家

圖

書

館

編

北京圖書館出版社

第七十一冊目錄

人物志	一
名臣	一〇
宦業	一〇
儒林	三二
文苑	四四
忠義	五七
殉難錄	六二
孝友	八二
善士	九〇
隱逸	一〇〇
耆壽	一〇二
寓賢	一一六

(同治)樂安縣志	一一八
人物志	一一八
宦業	一二二
理學	一二二

儒林	一二三
文苑	一二六
忠義	一二八
孝友	一三〇
善士	一三五
耆壽	一四〇
儒林	一四三

(同治)東鄉縣志	一四四
人物誌	一四四
鄉宦	一四四
儒林	一六六
文苑	一七三
忠義	一八三
孝友	一九九
篤行	二〇七
武功	二一三
尚義	二一四
逸士	二一九

(同治)南城縣志	二二〇
名儒	二二〇

文學	二二六
名臣	二五二
宦業	二五九
忠烈	二九〇
武畧	三二三
隱逸	三一四
孝友	三一九
篤行	三三一
義善	三三六
方技	三四四
流寓	三四九
仙釋志	三六〇
(同治)江西新城縣志	
人物志	三六七
名臣	
宦業	三七四
理學	四〇五

儒林	四一〇
文苑	四二二
忠義	四三八
孝友	四四七
善士	四六五
隱逸	四八九
方技	四九四
寓賢	四九八
(同治)南豐縣志	
人物志一	五〇一
人物志二	五二二
人物志三	五四七
人物志四	五八一
人物志五	六〇三
方伎志	六二四
流寓志	六二七
仙釋志	六三五

宜黃縣志卷二十九

名臣目錄

宋胥正倫 侯叔獻 戴經臣 鄒極 鄒餘

鄒永年 劉芑 吳榮 晁百談 徐圓老

明涂自強 黃清 吳餘慶 呂文質 陳用仁

廖鐸 黃鉦 譚綸 鄒子先 羅鶚

鄧佑 歐陽旻 鄒用章 鄧來鸞 李希哲

宜黃縣志

卷二十九 人物 名臣目錄 一

宜黃縣志卷二十九

人物志 名臣

嘗怪樂子正寰宇記於撫州人物直注曰無而後此紀載家卽以樂氏爲人物稱首嗣是如晏如曾如王皆一門濟美彬彬稱盛豈宋以前川嶽之精英蘊而不發歟蓋經五季擾攘之餘文獻無徵矣稽吾邑舊志所載文章經濟代有傳人其他或窮愁著書不祈聞達於當世或立名砥行力求無愧於古人或天性肫摯而孝養不衰或英風激烈而捐糜勿恤皆足以扶植綱常興起頑

宜黃縣志

卷二十九 人物 名臣 一

儒今更蒐採百年以來事蹟卓有可紀者綜而錄之以

見前詰遺風尙有嗣音云

史志小引

宋胥正倫諱品以字行祖元藻西蜀人唐末知南豐時邑屬崇仁悅仙二都山水類蜀因家焉公博學強記文章典雅善談論性剛介未嘗少屈登端拱二年進士任太平軍司理叅軍授武陽丞清化中郡民因饑剽掠太守不能制公獨撫諭移文鄰縣均濟咸平中任處州軍事推官州民章成豪橫不法結無賴爲鄉里患公到任密偵其動止擒之按問得實杖殺於市籍其家免脅從者

自是豪猾屏息擢大理卿因不釋國戚侯紹之罪出爲
建州悴卒弟正平同榜仕至太常丞

王志明臣傳尤志同

侯叔獻字景仁崇賢鄉人少卓犖有大志臨事慷慨不可
沮奪弱冠遊上庠有文聲凡月書季攷一不在優列則
撤榻損膳激其志氣以自勵慶厯六年成進士調開封
府雍邱尉屢獲巨盜當遷秩公曰殺人求賞非所欲也
爲桐廬令邑中無賴犯法舊輒籍之公召與約曰富而
恃資強而恃力狡而恃能官而恃蔭以侵欺吾民者將
盡去之唯能改前非則當削其籍衆皆竦服郡有兄弟

宜黃縣志

卷二十九 人物 名臣

二

爭財者久不決通守張伯玉以屬公株連四十餘人公
愀然變色誨以天倫之理皆感泣而去獄有大辟數人
常歲暮泣告曰有父母在願得一見死無恨公曰此天
理也與之期而遣之舉縣皆驚駭公獨怡然因果如期
而至督租則預揭於門某人某日當至及期來惟恐後
公爲政務以德化人而不亟於撻罰有爭辯至庭先以
理開諭之不服然後刑之所至姦吏屏息豪民斂縮遷
秘書丞賜緋召見上知公政聲俾居條例司議法法成
爲淮南提舉又易兩浙將行建議以爲畿內之地可因

樊水淤澼以成良田上然之卽以提舉於田司兼鄆永

監丞公相地形度河勢引樊山之水以灌其地不五六
年成田四十萬頃上乃賜於田十頃又請開白溝河儲
三十六陂及京索三水遷尙書工部員外郎除北河水
陸計度轉運繼除判都水監遷兵部員外郎公乃開白
溝刀馬自盟三河及廢朝宗開闢大湖立新堤開直河
者二千餘里上憫其勞特詔獎諭曰古人所謂克勤於
邦盡力乎溝洫於卿無愧公初爲尉時與管界巡檢相
善約寇警卽相報嘗曰有強盜經其邑公盡擒之法當

宜黃縣志

卷二十九 人物 名臣

三

賞乃嘆曰勢急不能相報巡檢豈以我爲負約邪竟不
受賞在泥縣時有李誠沒官田一段地大而腴估價一
萬五千緡乃誠爲酒務專知時以汴水溢損官物五千
貫籍田以償賈魏公當國欲添爲二萬貫買之命陳道
古諭意公嘆曰誠之無辜相國縱未能以此田給其子
孫莫若損五千貫俾其家買之爲便道古大驚還報相
國公乃召誠孫俾買其田孫以貧辭公又召見佃戶率
錢借之其孫卒得田爲監丞時發汴堤淤田汴水暴至
下流堤陷將毀人力不可制公相視其上數十里有二

古城遂發汴堤注水入古城中下流遂涸急使火治堤陷次日古城中盈汴流復行而堤陷已完矣徐塞古城所決眾皆服其機敏後以勤感疾卒於揚州之光山寺年五十四上聞之輟朝一日賻其家官其子王文公欲銘其墓會都水淤田頃畝數未具不果時人惜之王志臣傳尤志鄉賢○按通鑑綱目熙寧二年五月從三司條制司之請公與劉晏卿材程顥盧秉王汝翼等仇王廣廉八人分行諸路相度農田水利賦稅科率徭役利害舊志失考○按宋史地志無泥縣京東路濮州有范縣泥忍花之說又宋李昌齡樂善錄載叔獻為泥縣令復李田事極詳泥亦恐范說或卽京西孟州泥水縣戴經臣字成叔登皇祐元年第攻苦力學持身廉介不附

宜黃縣志

卷三十九 人物 名臣

四

勢以媒進官至屯田員外郎九志各臣傳

鄒極字適中邑西人自幼不羣長知書卽能文治平丙午首鄉薦明年第進士司馬光韓維典選擢公丙科與太史黃庭堅聯名初任吉州泰和簿遇事輒解無留難檄攝郡篆又攝永新令戢姦鋤盜吏畏民懷再轉爲衡州茶陵丞政績著聞時荆國王文公秉政召至闕謂其才可試俾權審官主簿遣視河北摧場利害更法去弊皆合意除開封府界提點司勾當公事修治常平免役法以惠畿郡公計畫居多元豐二年入爲御史臺推直官

三年權發遣提舉江南東路常平事六年權判湖南路轉運判官時朝廷方舉鹽政公報議不合言者指爲不奉法罷歸公不辯事久而明七年入爲尙書戶部度支員外郎數見執政議事多齟齬慨然曰吾親老樂里居其可久處省部邪於是力請補外除提點江南西路刑獄類濱先生和制語爲之行詞時元祐初年也適廣東妖賊岑操反圍新州經畧張昇卿遣童政郭比昇討之政等沿途殺人百姓訴冤朝廷使傳變體量變畏權勢歸罪新州官吏又言官吏有守城功乞以功過相除變

宜黃縣志

卷三十九 人物 名臣

五

亂事情如見戲於是蘇軾王觀呂陶相繼論奏詔公於處州置院按罪以聞公不畏強禦不受囑託獄成土之童政伏誅郭比昇決配沙門島未幾公丁外艱服除乞閒得管勾洪州玉隆觀秩未滿遂致仕時年四十九精力方壯挂冠勇退疏泉植果日與賓客放懷邱園不復以榮辱利害嬰其心紹聖元年召公爲戶部官將狂以劇職公辭以親老不願仕上從之載在國史會要大觀元年卒贈朝奉大夫戶部侍郎蔡君厚誌其墓所著有宜川文集三十卷子四人永年永功實黨永年以父德

禮官餘子孫世守儒業不絕王志名臣傳

鄒餘字損道崇鄉人元豐五年進士再調通城令邑多豪

猾皆畏服不敢犯法嘗日按簿書督期會可以集事未

可以治民遵法令平曲直可以治民未可以成俗成俗

之原在學校乃增廣縣庠名講堂曰資深黃山谷記之

知洛谷縣民徭雜處臨以豈弟不假鞭笞民心頓革桂

林宜陽有獄獄棘寺不能讞公一閱得其情滿去有德

之者置白金茶盃中追餽於路公笑謝受茶一觔初識

邢恕別後不通訊繼以恕薦召封上諭大臣曰近召見

宜黃縣志

卷二十九 人物 名臣

六

者皆尋常惟鄒餘却惺惺遂除監察御史建中靖國元

年服除還朝出爲淮西提舉再入除侍御史所陳十餘

事其一則辨晰元祐黨人他皆切治體大臣不樂遂奉

祠歸卒年四十九九志鄉賢傳

鄒永年字天錫紹聖五年爲建昌南城縣尉時未析新城

縣自義亭舖穿文徑四十里崖谷深邃林莽窈窕如行

泉隧中不見人煙天日者十有五里姦人往往倚爲窟

穴椎埋胙篋公聞其事曰清姦除盜吾之任也明年季

秋遂相便利而新之易險以平易幽以明行人舒愉居

人宴休因名曰鄒公新路東巖先生傳權記其事後爲

松滋令山谷先生有詩篇往來載山谷文集仕至奉議

郎王志名臣傳九志同

劉芑字資中朝議大夫蒙弟也累舉進士以兄恩補太廟

齋郎主衡山簿遷延州錄參辟廣西經幹黎人寇瓊州

府公周種一以兵事委公公率軍士斬首爲亂者曾安

化擊走宜州蠻寇羣蠻譚映反公往諭即降王居桃亂

南海鋒銳甚公襲斬之遠人畏服以比諸葛武侯用是

遷官至朝請郎移知惠州會霖潦城不沒者兩版公分

宜黃縣志

卷二十九 人物 名臣

七

載民物實水不及處圖籍兵仗無一漂失事聞於朝賜

詔獎諭移通判桂州官至朝散大夫靖康建炎間闔門

干指時形空匱歿之日家無十金之儲九志名臣傳

吳榮字茂卿邑東人乾道五年進士爲人廉介事親孝通

判南安軍屢攝郡有疑獄久不決卒平反之公稱神明

後參議金陵制幕同列多爲進取計公獨曰非吾志也

謝病歸前後凡三爲令皆繁劇邑每語人曰爲政之道

平易近民而已歷仕四十年以循良稱居鄉姻族無不

自號深簡老人官至奉直大夫子二人領鄉薦孫炎嘉

無城戊進士九志鄉賢傳

晁百談字元默大中大夫詠之曾孫也清熙中以宜籍領甲午鄉薦乙未成進士後復遷於臨川之晁家山公師事陸象山明理學尤深於春秋初授吉州教授與周益公爲文字交主管官告院時權臣開邊公輪對言內修不可忽大舉不可輕當進剛正士以強本朝勾外知南康軍陸辭又以除戎器飭邊備爲言至郡適旱蝗後首罷科率之令發粟寬征民無流徙會奉祠杖屨遊廬阜所至賦詩集爲歸田雜著再起知道州語人曰吾信家宜黃縣志

卷二十九 人物 名臣

元結爲春陵當使萬物吐氣但老矣恐不得踐斯言也

入仕四十年家無餘財有常川集二十卷九志名臣傳

徐圓老字孝孫邑南世英姪南州高士之裔也宋紹定戊

子自邑之上西園遷居上官巷己丑登進士第淳祐初

仕至朝列大夫秘書少監兼國史編修實錄院檢討賜

誥勅致政還鄉復徵不起學者稱爲高齋先生著述自

娛遇饑荒則量財賑濟卒於景定壬戌邑令涂公標祀

於鄉賢祠子和咸淳乙丑進士孫萊元至正辛巳鄉舉

九志名臣傳

明涂自強初名剛中石震人珪仲子洪武丁卯膺貢太

學祭酒宋公訥試三場列上第任編修冬十一月上命宋公訥選能幹敦厚者與戶部李祖欽往兩淮公幹公與焉己巳三月遷京復命丁內艱服闋赴京上以公可任政事授中順大夫知台州賜名忠台地濱海向時任府事者皆非其人百姓凋弊往往入海島嘯聚錢糧通欠官不能徵公至推誠愛民察獄囚久繫者量其輕重決斷平允不三日囹圄一空昔之嘯聚者皆轉爲良民通貢者咸樂於輸將任事二年召至京卒台人祀之名宜黃縣志

卷二十九 人物 名臣

官謝志人物傳
九志名臣

黃清字用澄邑東人幼負氣節喜讀書洪武中以歲薦入

都廷試優等朝謝太祖見公風儀魁偉宣近陛與之語

大悅擢爲河南道御史居官多所獻替二十六年涼國

公藍玉謀不軌上逮玉籍其家株連至萬五千人公上

疏言波及者衆不勝訊鞠願從罪疑欽恤之意上怒併

坐黨誅之後三日詔下凡坐黨者悉赦蓋公疏留中上

省覽而善之也公以一疏回天霽威昭納諫之明成解

網之仁雖身膏斧鑕有可以不朽者在矣其後人若敬

銘以兼才著濯纓以文學名德人以尚義稱皆足徵公

德澤之不泯云

謝志人物傳
尤志名臣

吳餘慶字彥積號斯白仙桂棠陰人能詩文尤善書法永

樂六年以薦赴京選入閣院修勸善書及性理大全既

竣除中書舍人授徵仕郎丁母憂服闋陞右春坊右中

允應通政使司右叅議轉右通政屢兼知制誥授中憲

大夫皆直秘閣凡金銀寶冊鐵券誥勅御製詩文多奉

勅書之應制賦詩每蒙獎諭頒降四書五經性理大全

御製爲善陰陽孝順事實歷代臣監古今列女傳五倫

宜黃縣志

卷二十九 人物 名臣

十一

青御賜龍紙筆墨表裏銀寶符承寵賚及致仕歸行李

蕭然所載惟圖籍而已公爲人忠謹清節時涿人王鎮

州事嘗因會飲擬公爲侍郎公默坐不顧侍郎王佑促

之拜公曰樂爲朝廷叅議不作王家侍郎閱數月鎮果

敗少卿李廷修謂先生出入禁闥四十餘年德量曠豁

未嘗一踐貴人門評書者謂其楷如美女簪花草如瑞

雲飛空流水赴壑著有斯白集流芳集祀鄉賢

賢

呂文質字彬甫號四忍翁崇賢鄉霍源人生而穎異長益

沉雄博綜羣書於天地事理之變古今治亂之原損益

廢置先後始終之要無所不知永樂元年癸未以監生

與涂原同領鄉薦甲申成進士初除翰林院庶吉士改

吏科給事中當言路以端方鯁介忤權貴調磁州判卒

於官著有玉溪文集

尤志名臣傳

陳用仁仙五都人號誠齋永樂初以人才舉授祥符知縣

嘗奉旨修金陵及皇陵宮殿經營有方巡撫王公委修

安豐塘等壩興工之日祭告神祇有怪鹿巨蛇絕波而

去自是塘壩堅久居人德之立廟以祀終河南彰德府

宜黃縣志

卷二十九 人物 名臣

十二

同知享年八十

尤志名臣傳

廖鐸字文揚號素履邑西入太學任邵武推官操守廉

謹決獄平允爲藩臬諸司所重六載給由赴京道聞親

疾奔治湯藥親卒服闋改任貴之程番平反獄囚民情

悅服尋以秋滿書最縉紳有贈言者曰處事精審無愧

於蘇子容植善雪冤無愧於錢若水宏治間陟廣東海

北鹽課提舉商人稱便公爲入嚴毅端方不可干以私

所至皆有善政今邵武列諸名宦祠叔昂鉉鉞皆仕

至郎官弟燧中辛卯禮經元著有素履遺稿

尤志名臣傳

黃鉉字克靜號應山待賢梨溪人宋永新令後遷居
有聲諸生中晚乃領嘉靖庚子鄉薦登辛丑進士司河
南汝監理以讞決無所徇擢南比部主事忤權貴左遷
高郵州同外艱服闋補泰州轉山東濱州州瀕海其地
鴻鹵民多流離公爲平賦緩徵發粟招逋復業者數千
家時北虜騷動警報日至公深濠峻城簡兵州賴以安
人以擬渤海襲遂尋遷宣國府兄弟五人獨公以清貧
力學自奮既第額租百六十石以贍諸兄迨解組歸次
高才山理黃治穉姪之術六次沐浴而化所著有應山
宜黃縣志

卷之十九

人物

名臣

三

集法律管見元風問難藏於家

謝通志九
志名臣

明譚綸字子理一字二華潭坊人嘉靖甲辰進士除禮部
主事遷職方郎中台州知府公沉毅知兵時東南倭患
已四年參將戚繼光募鄉兵禦賊數有功公亦練千人
自衛倭犯柵浦繼光以道阻失援公自擊之三戰三捷
又連破之章安葛埠南灣加右叅政會憂去以薦起復
將浙兵尋改官福建擢右僉都御史代游震得巡撫任
倭寇崎頭城都指揮歐陽深識博戰中伏死倭遂據平
海衛陷政和壽寧各扼海道爲歸計公環柵斷路賊不

得出移營涪林繼光至公自將中軍總兵官劉顯會
猷將左右軍令繼光以中軍薄賊壘左右軍繼之大破
賊復一府二縣詔加右副都御史考舊制建水砦五扼
海口薦繼光爲總兵官以鎮守之境內悉定四十四年
冬大足民作亂陷七城詔改公四川至已破賊雲南土
酋鳳繼祖遁入會理公會師討平之進兵部右侍郎總
督兩廣軍務兼巡撫廣西招降岑岡賊江月照等公練
兵事朝廷倚以辦賊遇警輒調居官無淹歲迨南寇畧
平而邊患方未絕隆慶元年給事中吳時來請召公及

卷之十九

人物

名臣

三

繼光練兵詔徵還部進左侍郎總督薊遼保定軍務自
兵事起邊臣牽制議論不能有爲公疏切言之而巡撫
劉應節果異議巡按御史劉翺巡關御史孫代又劾公
自專帝悉以兵事委公而諭應節等無撓公初至按行
塞上遂與繼光圖上方畧築敵臺三千起居庸至山海
控守要害以功進兵部尚書其冬予告歸神宗卽位起
兵部尚書五年卒官贈太子太保諡襄敏

白通
志

按襄敏公嘗講學金谿翠雲山謂疎山先生曰自吾提
兵以來殺一不辜恐或不免至行一不義則兢兢不敢

也先生日殺一不辜即是行一不義二句分看不得公

深謝之其虛懷如此

戴金谿縣志載事探吳疎山先生言行錄

鄒子先字朝選號見吾待賢潭坊人嘉靖辛酉鄉薦教授

長汀興行造士擢常山令廉公勤慎吏畏民懷凡不便

於民悉罷之卻例羨鬱豪猾幾節孝供士課豐祀儀通

商運建義倉皆實政也常邑孔道衝疲委積不敷舟車

輻輳公籌辦有法少支絀盜劫巨賈公捕盜獲賍寶玩

無數賈以重金餽公峻却之請建卻金亭亦不允五年

報政部臺交薦士民有官清民安之咏花甲再春之歌

宜黃縣志

卷二十九人物

名臣

靈雨反風之頌去日百姓立祠塑像家設神主尸祝禱

祀輒應焉遷永孟刺史有進五花馬者拒不受補廣西

永安刺史陞廣東高州公嘆曰吾南北奔馳仕而祿及

親澤加民可以已矣遂不就

謝通志尤志名臣

羅鶚字時薦號近雲仙桂棠陰人嘉靖辛酉鄉薦署浙江

東陽教諭陞廣東文昌令擢欽州德慶州廣西思恩府

致仕歸在任一十八年飲冰茹蘗海剛峰先生察其清

廉作文以送其歸中有在外謂之禮在內謂之賍賊與

禮惟羅令尹其免之之語卒之日家僅中人產悉賣以

舉喪事子若孫皆有文名

尤志名臣傳

鄧佑號紫峰邑西紫山人英敏絕倫嘉靖甲子鄉薦任台

州府教授萬厯丙子聘南直房考題官徐式齋金六百

為其子關節公拒之中三名陳所蘊以下十二人後登

第者八稱為得人擢湖廣靜州會同知縣地連黔省苗

民悍獷公被命慷慨就道曰何地不可展才于與學課

士惠愛撫懷嘗深入洞險徵糧苗憚令服化輸將恐後

邑方仰公有為獲次茲土也公告老歸兩袖清風半榻

蕭然嘗詠宅近青山同謝朓門垂綠柳類陶潛之句可

宜黃縣志

卷二十九人物

名臣

主

見其志矣年七十二手錄詩徵十卷藏於家

尤志名臣傳

歐陽見字性仁號應華仙桂陽坊人以選貢萬厯壬午

京闈擢縣令蠡多鹵地公酌定課額三百六十餘金

公私稱便歲市馬五十四匹五十金故事強半乾沒公

悉給之民便而官不便坐是奸太守意左遷定海丞轉

擢陵水令陵水孤懸嶺表下車冒瘴癘周恤民隱會黎

寇交訌公募壯士堵截寇不能入當事力薦之公告老

解綬歸姓梯姪孫夢麟俱別有傳

尤志名臣傳

鄒用章字體素號懷京待賢潭坊人萬厯庚子鄉薦授永

宜黃縣志

卷二十九 人物 名臣一

十六

卷綠野莊前後集若干卷

九志名臣傳

鄧來鸞字繡倩號鳴和邑西紫山人以麟經魁萬曆丙午鄉試登萬曆丙辰進士授湖廣武昌司李會黔寧寇發羽檄飛馳軍儲取給楚省而官司告匱公建議於藩司措發一面疏聞諸院道允其議遂奉委查全省歷年逋負凡吏胥積弊一清得銀數萬充黔寧軍餉而院道無帑竭之憂矣甲子分校鄉闈得雋八人聯捷者五乙丑桂府受封就藩道經武昌舳舻雲集承奉司傳令必毀民舍數千以通纜公爲募集民夫於江岸設版築沙兼

宜黃縣志

卷二十九 人物 名臣

十七

春秋實錄等書門人工部侍郎程正揆有亭

九志名臣傳

李希哲字既明邑東人祖龍山先生由恩薦任紹興府佐公生而聰慧弱冠舉萬曆丙子鄉試工詩古文詞上儼楚騷下摹元曲著述數萬言屢困南宮遂不復以顯晦爲意就萬年教復補廣陽署高明令植枌屏跡劇賊授首老而倦遊厭薄世務遂解綬歸所著有李氏文集五十卷

九志名臣傳

新諭五年造就生儒擢閩寧德令策救荒議築堤

成橋梁陳鹽法禱水旱釋疑獄興利除害當道廉其賢

能以州防兩篆委公時有甫販載舟入長溪爲邏卒所

獲以海寇聞公細研之得寃狀釋數十人建防海六議

居官僅五越月江上澄清四郊謳沸懇乞終養故事沙

田一稅不列正供去任者得千金爲水陸費孫以例進

公怒曰何忍以民間膏血潤吾行色也鍾家宰玠特請

起用公固辭庚午軍恩准原職加一級進中憲大夫年

八十所著有四書鷄肋集二十卷讞議十卷將誌錄一

宜黃縣志卷三十

宦業目錄

宋劉蒙 涂大經 劉名世 鄒非熊 曹 鈞

國朝歐陽芬 陽夢麟 黃佐 黃文元 吳應驥

梅紹玉 應上苑 熊大捷 陳洪書 邱肇熊

黃含章 吳瑄 黃捷山 吳六鰲 洪星煥

應先烈 應先杰 程卓樑 席元榜 黃繩策

羅以豐 黃爵滋 許道藩 吳 燁 黃爵綬

熊兆麟 鄧廷鑑 謝雲華 程培禮 黃秋林

宜黃縣志 卷三十 人物 宦業目錄

鄒嶧麟 黃式度 葉宗元 應學湛 黃秩韶

明梅金補 黃肇補

宋李千補

宜黃縣志卷三十

人物志 宦業

宋劉蒙字資深一字資明治平二年進士授南雄州司理

歷平陽武城霍邱三縣令熙寧中淮甸大饑霍邱民賴

以全活者衆司馬溫公薦爲御史臺主簿通判邵州知

永州恩廣東提舉湖北通判廣西提刑官至朝議大夫

爲人清潔不可干以私居家友愛所得蔭補先二弟而

後二子鄉里稱之尤志鄉賢傳

涂大經石麓人後遷邑南慷慨慕古人風節以紹聖元年

宜黃縣志 卷三十 人物 宦業

進士任茶陵丞正月日食應詔言事請復元祐之政坐

是列邪黨不得仕於朝宜和未任南昌令水災賑救有

方辨五臺山僧冤全活甚衆遷秩一等十數傳至國柱

號印元子著漢唐宋後三代書皇鑒通紀國盟著史幾

古文真異各十卷尤志鄉賢傳

劉名世淳熙二年進士紹熙二年知浮梁爲政簡易民安

之自題云槐影已高公事少蒲鞭不試訟庭閒羅府志仕績傳

鄒非熊字宗望號竹巖宋東魯公天經裔也幼敏悟過人

受學於師心黃先生議論勁正文章典麗書法尤工兩

宜黃縣志

卷三十 人物 宦業

領鄉薦清熙甲辰成進士調樂昌尉試吏之初有若素習上官委以難決之訟剖折咸得其當親獲強寇不願推賞修復石渠之利以溉民田既去邑人思之諸司以其才力有餘奏辟曲江令公一意撫摩周恤民隱無曠職無滯訟為韶州平反獄事活死囚十有二邑人刻石作記改任宜章邑居嶺嶠間最稱難治公勤敏以臨政慈惠以撫民催科勿擾輸將恐後值歲荒歉盜賊竊發欲為亂公相其機宜隨其緩急預為之備事機無失以潭帥丞相余公特薦倅邵陽蓋章宿蠹嚴賊吏多誦授之人委公攝職庠序燦然改觀士論交贊當路如葉公道李公大性薦剡交上得旨知象州陞辭陳三事敷奏詳明上為之改容差知汀州時梅州界兇賊嘯聚公禦之轉危為安境內晏然咸感其德秩滿朝廷以鄰寇未平非公莫能撫定特旨令再任居二歲以治行第一除廣東提刑未及赴卒於郡年七十生平著述浩富如太和塔龍泉院兩記特一班耳公卒宜章日錫章服父繼祖朝散郎亦賜緋平陽吳丞貽之詩曰十年改秩鄉閭少同日垂魚父子難卒後曲江祀名宦本邑祀鄉賢

宜黃縣志

卷三十 人物 宦業

伯炳宜和癸卯鄉舉伯昂乾道壬辰以鄉舉特奏清熙甲辰以兼經兩奏叔駿及胞弟必克紹熙壬子以兩舉特奏從弟龔慶元丙辰進士臨嘉泰壬戌進士姪輝紹興壬戌以兩貢特奏子燮以公澤仕戶曹公舊居西隅紫山後遷城南九志鄉賢傳曹錫字晉伯仙桂鄉人嘉定元年進士性剛直文典雅熟於法律受知真西山扁其齋曰敬思為之記知江山縣復以詩餞至官清簡吏民畏愛有逃卒嘯聚欲為亂密遣人捕之無逸者時有獻履畝截角之策公知不可行但定其數寄之庫不與截角未幾議果罷受代而去攀戀者相望數十里過平坦橋題詩有云三年幸與民無擾不負西山兩首詩又云簞食囊衣書半擔獨騎瘦馬去朝天及參選朝堂有言此不奉履畝截角之知縣也除提轄左藏庫與慶補弊知瑞州改衡州尋差知無為軍兼淮西運判改知饒州除屯田員外郎入奏事推廣西山祈天永命敬德愛民之說尋丐外奉祠歸卒年五十六西山嘗曰晉伯文采宜為詞諧剛介宜作言官敏決可任監司恨不副所長恩當任子先奏其姪九志鄉賢傳

宜黃縣志

卷三十一 人物 宦業

四

國一品榮祿大夫公不戀官爵連章引退

國朝順治癸巳有粵寇踞宜都橫石山寨毒撫建吉贛等郡總督江南江西邵院馬巡撫江西邵院蔡知公偉績素著禮請勦撫乃建大雄關於仙十二都以固桑梓集練鄉勇單騎入穴計擒渠孽曾九龍管毓義蕭三才諸寇董曙白等俱焚巢毀寨黨從盡解當道強起出山公謝事隱去創玉山寺於仙桂鄉野服山巾招一二高僧圍坐蒲團參証本末康熙二十五年丙寅與弟參將芋同刻木像於玉山寺佛側曰吾當掃塵氛常住婆娑

樹下是年八十有五卒其生平實行勲業逸士謝三劉坤爲作玉山記傳奇臨川李石臺跋後公少嬰詆陷久繫囹圄賴太守蔡邦俊昭雪公立永思堂朔望瞻禮艾千子作記刻石以誌其事有文集行世陳大士爲之序

宜黃縣志

卷三十一 人物 宦業

五

歐陽夢麟字石臣號寄廬仙桂陽坊人順治甲午鄉舉任九江饒州兩府教授擢知廣東香山縣地帶山襟海初莅任值採運楠木使者冠蓋相望公理畫曲當事集而民忘勞距城百餘里海中一島曰壘門海寇騷動民散田荒錢糧舊有三萬餘僅存一萬二千餘耳公招撫流亡給牛種備船料勸課農桑墾荒六千五百頃清丈均賦井井有條海田之粟非舟不載地故有商舶稅吏役遂稅及農船公請於部使各州縣俱得免至今利賴屢平反大獄活死囚邑產斷腸草民聞小忿輒服之自殺借人命以傾富室公著爲令除斷金安莖外罰使除草務絕其根數年草遂枯編保甲村設瞭望亭以弭奸盜申講鄉約創建書院暇則詣學與諸生接見談論經術竟日不休一切賓客飲食火耗答應舊規盡蠲免香山

人紀其實政勒之石請終養歸與名流揚擢今古談理
必折入微茫陳蔡尹元孝序其文云觸興而作稱情而
止冲邃恬適若不得已而後有言又曰仕宦數十年而
猶存儒者面目山中本色者歐陽香山是也著有桐山
彙草詩文集歸耕集

羅府志
仕績傳

黃佐字左人號卓瞻邑北人父信孚有隱德甲寅間寇竊
發避亂瑯琊源有賊五人爲崇仁鄉兵所敗逃至居人欲
盡殲之信孚曰逃於崇而殺於宜其黨仇我必甚禍立
至矣已而賊果來五人者麾使去村中無警公以康熙
宜黃縣志

卷三十

人物 宦業

六

已酉鄉舉任廣東三水令聽獄詳慎哀矜多所平反曰
吾寧受失出之罰不忍輕視民命也三水故事每歲查
點煙戶派民間千金稽查船戶印烙亦派數百公下車
卽勒石永禁民甚便之以憂去服闋補四川遵義時郡
守王某白某並縱恣不易承事公秉理守正卒見敬憚
歷任皆頌聲載道去後常見思

黃文元字式如邑東人康熙時合邑苦差科重公爲陳訴
大憲往返累年革其弊後以吏員任貴州鎮遠經歷邊
苗騷動總戎陳公奉命往勦駐兵郡城躬率百餘騎偵

賊忽有符使至城徵兵助戰公審其僞力白郡守勿予
兵翌日總戎勝賊得僞竊兵符者斬以徇咸謂公明於
燭奸逾年苗復亂總戎已有師命公單騎入苗寨責以
大義皆感泣聽命遂撫平之同邑應是作傳孫朝鼎中
明通榜進士任臨江府教授

吳應麟字德君棠陰人康熙辛酉鄉舉任贛縣教諭歲修
明倫堂尊經閣鬱孤臺悉學田租稅所出聘充廣東同
考所舉稱得人以卓異薦卒於官贛人祠祀之著有虞
南吟語十卷粵遊草

宜黃縣志

卷三十

人物 宦業

七

孫廷掄俱歲貢生

羅府志
仕績傳

梅紹玉字映亭號砥山待賢梅坊人家居孝友文章行誼
並爲鄉里矜式康熙甲午舉於鄉乾隆壬戌由教習期
滿選授廣東文昌縣知縣寬猛互濟政簡刑清大憲不
敢以俗吏目之丙寅卓異入都百姓如失慈母卒於京
館

應上苑字眉允號豫齋神岡人祖國舉敦行孝友父璜邑
庠生善屬文工書法公由康熙辛丑進士授廣東陽山
知縣調任花縣陵水轉萬州惠州同知護理惠潮嘉兵